



TREBAKUNTZA 2012/06: LABURTZAPENAK (I): SIGLAK

Udal idazki askotan laburtzapenak gaizki erabili ohi dira. Gaur, laburtzapen mota bati buruz arituko gara: siglei buruz. Siglek ezaugarri hauek dituzte:

Erabilera: erakundeak, instituzioak, elkarteak... izendatzeko erabiltzen ditugu.

Idazkera: larriz idazten dira, eta ez dute punturik hartzen ez letren artean, ez bukaeran.

Deklinazioa: izen bereziak bezala deklinatzen dira; hau da, ez dute artikulurik hartzen.

OHARRA: asteriskoz eta kurtsibaz idatzitako esaldiak gaizki daude, eta gainerakoak zuzen.

OHIKO AKATSAK

1. * *Ikasleen %86k lortu dute azken ikasturtean **DBHeko** titulua **EAEan**.*
2. * ***AEKk** eta **IKA-k** Nafarroako Gobernuak euskaltegiei zuzendutako diru laguntzak murriztu izana salatu zuten atzo.*
3. * *Oposizio lehiaketetan jendea baztertzeko jokabide ezegokia erabili duela egotzi dio **ELA-k** **BBK-ri**.*
4. * ***UPNn** eta **CDNn** erakusketa debekatzearen aldekoak dira gehienak.*
5. * ***EA-k** eta **EAJ-k** gaur aztertuko dute Batasunaren programa.*
6. * ***LABk**, **ELA-k** eta **EHNEek** hainbat bilera egingo dituzte.*

Udalerri Euskaldunen Mankomunitatea

www.uema.org

Donibane enparantza 1, 1.a
48380 Aulesti
Bizkaia
94-627.91.95

Done Petri 14, behea
20180 Oiartzun
Gipuzkoa
943-26.03.72

Enparan kalea 1, 2.a Sindikatu zaharra
20.734 Azpeitia
Gipuzkoa
943-81.66.99

AZALPEN OROKORRA

Sigla batzuk osorik irakurtzen dira, eta beste batzuk letraz letra. Beraz, sigla **nola ahoskatu, hala deklinatzen** dira:

- ELA. Nola irakurtzen da? **e-la**. Beraz, **ELAko...**
- UPNA. Nola irakurtzen da? **up-na**. Beraz, **UPNAk...**

Adibide gehiago: IVAP (i-vap), PSOE (pe-soe), UGT (u-ge-te), LAB (lab), UPN (u-pe-ene)...

ZUZENKETAK ETA AZALPENA

1. Esaldi honetan bi gauza nabarmendu behar dira:

- a) Batetik, **DBH sigla** honela irakurtzen da: **de-be-hatxe**. Beraz, forma zuzena hau da: DBHko.
- b) Bestetik, **siglak izen propioak bezala deklinatzen** dira. Beraz, ez dute artikulurik hartzen (-a gabe).

Ad. Ikasleen %86k lortu dute azken ikasturtean **DBHko** titulua **EAEn**.

2. Oro har, siglak deklinatzean ez da marratxorik jartzen. Nolanahi ere, **-k**, **-n** edo **-r** letrarekin bukatzen diren siglak **deklinazioko -k**, **-n** edo **-r hizkiekin lotzean, marra erabiltzen da: **BBK-k**, **UPN-n**, **RPR-ren...****

Ad. **AEK-k** eta **IKAk** Nafarroako Gobernuak euskaltegiei zuzendutako diru laguntzak murriztu izana salatu zuten atzo.

3. Honako kasu honetan, **ez dago arrazoirik marratxoa jartzeko:**

Ad. Oposizio lehiaketetan jendea baztertzeko jokabide ezegokia erabili duela egotzi dio **ELAk** **BBKri**.

Udalerri Euskaldunen Mankomunitatea

www.uea.org

Donibane enparantza 1, 1.a
48380 Aulesti
Bizkaia
94-627.91.95

Done Petri 14, behea
20180 Oiartzun
Gipuzkoa
943-26.03.72

Enparan kalea 1, 2.a Sindikatu zaharra
20.734 Azpeitia
Gipuzkoa
943-81.66.99

4. Honako kasu honetan, hitzaren azken letra eta deklinabidearena berak direnez, marratxoa jarri behar da.

Ad. **UPN-n** eta **CDN-n** erakusketa debekatzearen aldekoak dira gehienak.

5. Honako kasu honetan, **ez dago arrazoirik marratxoa jartzeko:**

Ad. **EAK** eta **EAJk** gaur aztertuko dute Batasunaren programa.

6. Esaldi honetako siglak honela irakurtzen dira: **lab, e-la, e-ne.**

Ad. **LABek, ELAk** eta **EHNEk** hainbat bilera egingo dituzte.

Azalpenotatik zerbait ulertu ez baduzu edo gehiago sakontzeko ariketarik nahi baduzu, jarri harremanetan UEMAKo teknikariarekin edo zure udaleko euskara teknikariarekin:

- Telefonoz: 94-6279195 (Iratxe)
- Posta elektronikoz: bizkaial@uema.org (Iratxe)

UDAKO OPORRALDIA DELA ETA, UZTAILEAN ETA ABUZTUAN EZ DA FITXARIK IZANGO. HURRENGO FITXA IRAILEAN HELARAZIKO DIZUEGU.

Hurrengora arte!

Udalerri Euskaldunen Mankomunitatea
www.uema.org

Donibane enparantza 1, 1.a
48380 Aulesti
Bizkaia
94-627.91.95

Done Petri 14, behea
20180 Oiartzun
Gipuzkoa
943-26.03.72

Enparan kalea 1, 2.a Sindikatu zaharra
20.734 Azpeitia
Gipuzkoa
943-81.66.99